

Sarkina Bt Mat Saad @ Shaari

From: UUM CORPORATE COMM.
Sent: Thursday, September 19, 2019 7:18 PM
To: UUM - All Staff; UUM - All Students
Subject: UUM Dapat Kepercayaan Laksana Kutipan Wakaf



UUM Corporate Comm.
Universiti Utara Malaysia

19 SEPTEMBER 2019 / 19 MUHARAM 1441H

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Nordiana Shafiee

Gambar oleh: Muhammad Shamsul Shafie

UUM DAPAT KEPERCAYAAN LAKSANA KUTIPAN WAKAF



UUM ONLINE: Alor Setar - Universiti Utara Malaysia (UUM) telah diberikan kepercayaan untuk melaksanakan kutipan dana wakaf menerusi penubuhan Skim Dana Wakaf UUM.

Naib Canselor, Prof. Dato' Dr. Ahmad Bashawir berkata, melalui skim itu, UUM telah diberikan kelulusan untuk mengumpul dana wakaf di UUM dan menguruskan dana tersebut bagi tujuan kerohanian, kebajikan, pendidikan, kesihatan dan kepentingan warga universiti.

Katanya, Skim Dana Wakaf ini merupakan satu wasilah bagi memberi peluang dan kemudahan kepada setiap lapisan warga universiti untuk menunaikan ibadah wakaf walaupun tidak mampu mewakafkan harta yang berbentuk kekal atau nilai yang tinggi seperti tanah, rumah dan bangunan, namun mereka masih boleh berwakaf melalui wang tunai dengan kadar yang termampu.

“Skim Dana Wakaf UUM ini akan dilaksanakan dalam masa terdekat dan UUM akan mendapatkan kelulusan untuk pelepasan cukai kepada pewakaf bagi menarik minat masyarakat Islam khususnya warga universiti ke arah membudayakan amalan wakaf dan sedekah jariah,” katanya selepas Majlis Menandatangani Memorandum Perjanjian (MoA) Antara UUM dan Majlis Agama Islam Negeri Kedah (MAIK) di Jabatan Hal Ehwal Agama Islam Negeri Kedah, pagi tadi.

Sementara itu, Dato' Syeikh Hasbullah berkata, dengan termeterainya perjanjian itu MAIK telah memberi kebenaran kepada UUM dan kepercayaan penuh untuk melaksanakan kutipan Skim Dana Wakaf bagi tujuan pendidikan, pembangunan modal insan dan manfaat serta faedah pelajar.

Katanya, semoga dengan terjalannya usahasama itu, pengurusan wakaf dapat dikembangkan lagi dengan lebih meluas dan profesional bagi memastikan konsep dan amalan wakaf dapat disuburkan sesuai dengan perkembangan semasa.

 AACSB
ACCREDITED

Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.